

خطِ پوئسِ بلده ایماندارای کولسی

دُعا و سلام

۱ از طرفِ پوئسِ که دَ خاست-و-اراده خُدا رُسولِ مسیحِ عیسیٰ آسته و از طرفِ برارِ مو تیموتائوس، ۲ بلده برارونِ مُقدَّس و وفادار که دَ مسیحِ تعلقِ دَره و دَ شارِ کولسی آسته: فیض و سلامتی آته مو خُدا نصیبِ شُمو شُنه.

شُکرگزاری و دُعا

۳ مو همیشه و ختی که بلده شُمو دُعا مونی، خُدا ره که آته مولا ی مو عیسیٰ مسیح آسته شُکر-و-سپاس مَوگی، ۴ چُون مو دَ باره ایمان شُمو دَ عیسیٰ مسیح و دَ باره مُحَبَّتِی که بلده تمامِ مُقدَّسینِ دَریدِ شِنیدِ. ۵ ایمان و مُحَبَّتِ شُمو بخاطرِ اُمیدی آسته که دَ عالمِ باله بلده شُمو نِگاهِ شُده و شُمو از گاه دَ باره شی از کلامِ حقیقتِ یعنی از خوشخبری ۶ که دَز شُمو رسیده شِنیدید. اُمُو رقم که خوشخبری دَ تمامِ دُنیا ثمر دَده رُشد مونه، اُمُو رقم دَ مینکلِ از شُمو ام از روزی که اُو ره شِنیدید و فیضِ خُدا ره دَ راستی پی بُردید، ثمر دَده رُشد مونه. ۷ شُمو اُو ره از ایپفراسِ یادِ گِرَفْتید، از همکارِ عزیزِ مو و خِدْمَتِ گارِ وفادارِ عیسیٰ مسیح که از طرفِ از مو آسته. ۸ اُو ام از مُحَبَّتِ شُمو که دَ وسبیلِ روحِ اَلْقُدُسِ بخشیده شُده، دَز مو خبر دَد.

۹ امزی خاطر از روزی که مو ای ره شِنیدِ، مو دَوامدارِ بلده شُمو دُعا مونی و از خُدا میخاهی که شُمو دَ وسبیلِ هر حِکْمَتِ و فامیدگیِ روحانی از شِناختِ خاست-و-اراده اَزو لبریزِ شِنید ۱۰ تا بطوری رفتار کُنید که لایقِ مولا آسته و اُو ره کاملاً خوشحال مونه

و تا دَ هر عملِ نَبِکِ پُرْتَمَرِ بَشِید و دَ سِنَاخَتِ خُدا رُشد کُنِید. ^{۱۱} مو دُعا مُونِی که قد تمام قُوتِی که از قُدرتِ پُرْجَلالِ اَزُو مِیِیه، قُوی شُنِید تا صَبْر و تَحْمَلِ کَلو دَشْتِه بَشِید و قد خوشِی ^{۱۲} از اَته آسمانی شُکرگُزاری کُنِید که او شُمو ره لایقِ ازی دَنِست که دَ میراثِ مُقَدَّسِینِ دَ پادشاهی نُور شَرِیکِ شُنِید. ^{۱۳} او مو ره از چَنگِ قُدرتِ تَرِیکِ نِجاتِ دَد و دَ پادشاهی باچه دوست-دَشْتَنی خُو اُورد ^{۱۴} که دَ وِسیلِه اَزُو مو بازخَردِ شُدِی و بَخِشِشِ کُناهای مو مَهْیا شُد.

شخصیت و بزرگی مسیح

^{۱۵} مسیح چهره خُدا نادیده یه، اُولباری و بزرگتر از تمام مخلوقات، ^{۱۶} چراکه دَ وِسیلِه اَزُو تمام چیزا دَ آسمو و دَ زمی خَلقِ شُد، چیزای که دیده موشه و دیده نموشه، چی تَخْتِ های پادشاهی، چی مَمَلکَتا، چی حُکمرانا، چی قُدرتِ ها؛ اَره، تمام چیزا دَ وِسیلِه اَزُو و بلده اَزُو خَلقِ شُد. ^{۱۷} مسیح پیش از پَگِ چیزا و جُود دَشْت و دَ وِسیلِه اَزُو پَگِ چیزا قد یگدیگه خُو واصل آسته. ^{۱۸} او سرِ جِسمِ یعنی سرِ جماعتِ ایماندارا آسته؛ او اِبتِدا آسته، اُولین کسی که از مُردهها دُوباره زنده شد ^{۱۹} تا دَ تمام چیزا پیش-قدم بَشِه. ^{۱۹} چُون رضای خُدا امی بُود که تمام پُوری ^b خُو ره دَ مسیح جای-د-جای کُنه ^{۲۰} و دَ وِسیلِه اَزُو تمام چیزا ره قد خُو آشتی بَدیه، چی دَ آسمو، چی دَ زمی. اَره، او دَ وِسیلِه رِیخْتندونِ خُونِ اَزُو دَ رُوی صلیب، صلح-و-سلامتی ره دَ و جُود اُورد.

^{۲۱} شُمو یگ وخت دَ فِکرای خُو دَ خُدا بیگنه و دُشمن شِی بُوید، مشغُول دَ اعمالِ شَرِیرانه، ^{۲۲} مگم آلی خُدا دَ وِسیلِه جِسمِ بَشِری مسیح از طَرِیقِ مرگِ اَزُو شُمو ره قد خُو آشتی دَدِه تا شُمو ره مُقَدَّس و بے عیب و بَدُونِ ملامتی دَ حُضُورِ خُو بیره، ^{۲۳} دَ شرطی که دَ ایمان خُو قایم و اُستوار مَنده اِدامه بَدید و از اُمیدی که دَ خوشخبری آسته و شُمو

^a ۱:۱۸ دَ جای «اُولین کسی که از مُردهها دُوباره زنده شد» دَ زبونِ یونانی «اُولباری از مُردهها» نوشته یه. ^b ۱:۱۹ «پُوری» یعنی هر قُدرت و خاصیتی که دَ خُدا و جُود دَره او ره دَ مسیح جای-د-جای کُنه.

اُو ره شِنیدید، دُور نَشَنید. ای اُمُو خوشخبری آسته که بلده تمام مخلوقات دَ زیر آسمو
اعلان شُدده و ما پوُلُس، خِدمتگار شی شُدیم.

زَحمتای پوُلُس بلده جماعتِ ایماندارا

^{۲۴} آلی ما از زَحمتای که بخاطرِ ازشمو میکشُم، خوشحال آسْتُم و هر کمبودِ رنجِ های
مسیح ره دَ جِسْمِ خُو تَکْمیلِ مُونُم، بخاطرِ جِسْمِ ازُو یعنی بخاطرِ جماعتِ ایماندارا.
^{۲۵} ما دَ مُطابِقِ وَظیفَه که خُدا بخاطرِ ازشمو دَ عَهده مه ایشْت، خِدمتگارِ جماعتِ
ایماندارا شُدُم تا کلامِ خُدا ره بطورِ کاملِ اعلانِ کُنُم،^{۲۶} یعنی اُمُو راز ره که از زمان
ها و نسل‌ها تاشه مَنَدُد، مگم آلی بلده مُقَدَّسین شی بَرَملا شُدده.^{۲۷} خُدا خاست که بلده
ازوا معلومدار کُنه که دَوْلتمندی پُر جلالِ امزی راز دَ مینکل مردُمای غَیرِ یهودِ چیقس
بُزرگ آسته، یعنی ای که مسیح دَ زندگی شُمو آسته، یگ اُمیدِ پُر جلال.^{۲۸} و مو پیغام
مسیح ره اعلانِ مونی و هر کس ره نصیحتِ کده قد تمامِ حکمتِ و-دانایی تعلیمِ میدی
تا هر کس ره دَ ایمان شی دَ مسیح بالغِ کده دَ خُدا تقدیمِ کُنی.^{۲۹} بلده امزی مقصد
ما زَحمتِ میکشُم و مُطابِقِ قُوتِ ازُو که قدرتمندانه دَ وجود مه کار مونه، تپ-و-تلاش
مُونُم.

۲ ^۱ ما میخایم شُمو بدَنید که ما چیقس بلده ازشمو و بلده ایماندارای شارِ لاؤدیکیه
و تمامِ کسایِ دیگه که تا هنوز مَره رُوی دَ رُوی ندیده، زَحمتِ میکشُم^۲ تا دل
های پگ تشویقِ شُنه و پگ دَ مُحَبَّتِ اِتْحادِ و-اِتْفاقِ دَشته بَشه و تا قد اِطْمینانِ کاملِ
از تمامِ دَوْلتمندی فامیدگی برخوردار شده شناختِ رازِ خُدا یعنی مسیح ره حاصلِ کنه،
^۳ که تمامِ خزانه‌های حکمتِ و عِلْمِ دَ مسیح تاشه آسته.^۴ ما ای ره مَوگُم تا هیچ کس
شُمو ره قد تورای نرم-و-چرب خُو بازی ندیه.^۵ چُون اگرچه جِسماً ما از شُمو دُور آسْتُم،

^۱:۲۵ دَ زبون یونانی نوشته یه: "تا کلامِ خُدا ره پوره کُنُم."

ولے دَ روحِ قد شُمو اَسْتُمْ و از دیدونِ نَظْم-و-تَرْتِیب و مُسْتَحْکَم بُودونِ ایمانِ شُمو دَ مسیحِ خوشحالِ اَسْتُمْ.

آزادی ایماندارای مسیح از رسم-و-رَواجِ های دُنیایی

پس اُمُو رقم که مسیحِ عیسیٰ ره بحیثِ مَولایِ خُو قَبُولِ کَیدید، اُمُو رقم دَ مُطابِقِ رَاهِ ازو رفتار کُنید،^۷ و دَزُو ریشِه دَوَندِه آباَد شَینید؛ و اُمُو رقم که تعلیمِ گَرفَتید دَ ایمانِ خُو اُسْتوار شُدِه از حدِ کَلو شُکرگَزاری کُنید.^۸ اِحْتِیاطِ کُنید که کسِ شُمو ره قدِ فِلسَفِه پُوجِ و گَمراهِ کُننده که مُطابِقِ رسم-و-رَواجِ هایِ اِنسانِ و مُطابِقِ اَصُولِ اِبْتِداییِ ازی دُنیا اَسْتِه اَسیرِ نَکُنِه، چَراکه ایِ چِیزا مُطابِقِ تَعْلیمِ مَسیحِ نِبیِه.^۹ چُونِ تَمَامِ پُوریِ اِلْهِیِ جِسمًا دَزُو جَایِ گَرفْتِه^{۱۰} و شُمو ام که دَزُو تَعْلُقِ دَریدِ تَکْمیلِ شُدید. و اُو سِرِ هَرِ حُکومتِ و هَرِ قُدْرَتِ اَسْتِه.^{۱۱} و اَمچَنان، شُمو دَ عِنوانِ اِیْماندارایِ ازو خَتَنه شُدید، خَتَنه که دَ وِسیلِه دِستِ اِنسانِ اَنجامِ نَشُد، بَلْکِه قدِ بُرِ کَدونِ طَبِیعتِ نَفْسانیِ دَ وِسیلِه خَتَنه اَنجامِ شُد که دَ مَسیحِ^{۱۲} تَعْلُقِ دَرِه.[‡] شُمو دَ وِسیلِه عُسَلِ تَعْمیدِ قدِ مَسیحِ دَفنِ شُدِه دَ وِسیلِه اِیْمانِ دَ قُدْرَتِ خُدا که مَسیحِ ره ازِ مُردِه ها دُوباره زنده کد، قدِ ازو دُوباره زنده ام شُدید.^{۱۳} و خَتَنیکه شُمو دَ خَطاهَا و ناخَتَنگیِ طَبِیعتِ نَفْسانیِ^b خُو مُردِه بُودید، خُدا شُمو ره قدِ ازو زنده کد، چُونِ اُو تَمَامِ خَطاهَایِ مو ره بَخشید^{۱۴} و نِوِشْتِه ره که قدِ حُکْمِ قَانُونیِ دَ ضِدِ اَزمو بُود، باطِلِ کد و اُو ره دَ صَلیبِ مِیخکوبِ کده ازِ بَینِ بُرد.^{۱۵} اُو حُکمرانا و قُدْرَتِ ها ره خَلعِ سَلاحِ کد و اُونَا ره بَرَمَلا رَسوا کد، چُونِ اُو دَ بِلِه اَزوا دَ رُویِ صَلیبِ پیروز شُد.

^a ۲:۱۱ خَتَنه که دَ مَسیحِ تَعْلُقِ دَرِه دَ قَلبِ اِنسانِ اَنجامِ مُوشِه و اِنسانِ ره ازِ گُناه و شَرارَتِ پاکِ مُونِه.

^b ۲:۱۳ دَ جایی «طَبِیعتِ نَفْسانیِ» دَ زَبونِ یونانیِ «جِسم» نِوِشْتِه یِه.

[‡] ۲:۱۱ رُومیا ۲۹-۲۸.

۱۶ امزی خاطر نیلید که هیچ کس بخاطرِ خوردنی یا وُچی کدنی یا عیدها یا ماهِ نو یا روزِ آرام شُمو ره محکوم کُنه. ۱۷ امیا تنها سایه چیزای آمدنی آسته، لیکن اصل د مسیح تعلق دَره. ۱۸ نیلید که هیچ کس شُمو ره از آجرِ بے نصیب کُنه، یعنی کسای که د خار کدون جسم و عبادتِ ملایکه ها تاکید مونه و عرقِ رویا های آسته که دیده و د وسیله فکرِ انسانی خُو بے جای مغرور شده. ۱۹ امی کسا د سر یعنی د مسیح، چسپیده نییه، د حالی که از سر تمام جسم قوت میگیره و د وسیله مَفصل ها و بندها قد یگدیگه خُو یگجای نگاه موشه و قد رُشدی که از طرفِ خدا آسته، رُشد موكُنه.

۲۰ پس اگه شُمو واقعاً قد مسیح نسبت د اصولِ ابتدایی ازی دُنیا مُردید، چرا رقمی زندگی مونید که بگی هنوز د دُنیا تعلق دَرید و تابع مقرراتی موشید که مویگه: ۲۱ "ای ره دست نَزو! او ره مزه نکو! او ره غرض نگیر!" ۲۲ تمام امزی چیزا ره که استفاده کنی از بین موره؛ امیا مطابق احکام و تعلیم های انسانی آسته. ۲۳ اگرچه امی چیزا بخاطرِ عبادتِ داوطلبانه، فروتنی ظاهری و تپندونِ جسم یگ ظاهرِ عاقلانه دَره، مگم بلده اداره کدونِ خاهشاتِ نفسانی هیچ فایده ندره.

اصول و مقرراتِ زندگی روحانی

۳ ۱ پس بخاطری که شُمو قد مسیح دُباره زنده شُدید، د طلبِ چیزای بشید که د عالمِ باله یه، د جایی که مسیح د دستِ راستِ خدا ششسته. ۲ د باره چیزای که د عالمِ باله آسته فکر کُئید، نه د باره چیزای که د روی زمی آسته. ۳ چون شُمو مُردید و زندگی شُمو قد مسیح د سایه خدا تاشه یه. ۴ وختی مسیح که زندگی مو آسته ظُهور مونه، اوخته شُمو ام قد ازو د بزرگی-و-جلالِ ظُهور مونید.

۵ امزی خاطر، هر چیزی که د وجود شُمو دنیایی آسته، او ره نابود کُئید: زنا، ناپاکی، هوی-و-هوس، خاهشاتِ شیررانه و حرص ره که بت پرستی آسته. ۶ بخاطرِ امزی چیزا قار-و-غضبِ خدا د بِلِه مردمای نافرمان نازل موشه. ۷ شُمو ام یگ زمان د امزی راه

ها قَدَمِ مِيزِدِيدِ، وَخْتِيكِه دَ مُطَابِقِ ازوا رفتار مُوكَدِيدِ. ^۸ لِيكِنِ آلِي پِگِ امزِي چِيزا رِه ايلِه بَدِيدِ، يَئِنِي قارِ، غَضَبِ، كِينِه وَ تَهْمَتِ زَدو رِه؛ وَ امچِنانِ توراى زِشتِ رِه از دان خُو دُورِ كُنِيدِ. ^۹ دَ يِگَدِيگِه خُو دروغِ نَكِيدِ، چِراكِه شُمُو طَبِيعَتِ كُهَنِه رِه قَدِ اَعْمالِ شِي قَتِي از خُو دُورِ كَدِيدِ ^{۱۰} وَ خُو دِ رِه قَدِ طَبِيعَتِ نُو پُوشَنَدِيدِ كِه دَ شِناخَتِ تازِه شُدِه موره، تا هَمَرَنَكِ خَالِقِ خُو شُنِه. ^{۱۱} دَ امزِي طَبِيعَتِ نُو دَ بَيْنِ يُونانِي وَ يَهُودِي، خَتَنِه-شُدِه وَ ناخَتَنِه، بَرَبَرِي وَ سَكِيتِي ^a وَ دَ بَيْنِ غُلامِ وَ آزادِ فَرَقِ نَبِيه، بَلَكِه مَسِيحِ تَمامِ چِيزِ اَسْتِه وَ دَ پِگِ وَ جُودِ دَرِه.

^{۱۲} پَسِ رَقْمِ اِنْتِخابِ شُدِه هَايِ مُقَدَّسِ وَ دُوسْتِ دَشْتِنِي خُدا خُو دُونِ رِه قَدِ دِلْسُوزِي، مِهْرَبانِي، فِرُوتَنِي، مُلايِمَتِ وَ صَبْرِ-وَ-خُوصِلِه بُيُوشَنِيدِ. ^{۱۳} يِگَدِيگِه خُو رِه تَحْمُلِ كُنِيدِ وَ اگِه كُدَمِ شُمُو از دِپِگِه خُو گِلِه دَشْتِه بَشِيدِ، يِگَدِيگِه خُو رِه بُخَشِيدِ. اَمُو رَقْمِ كِه مَولا ^b شُمُو رِه بَخَشِيدِ، اَمُو رَقْمِ شُمُو ام يِگَدِيگِه خُو رِه بُخَشِيدِ. ^{۱۴} دَ بِلِه پِگِ امزِيا مُحَبَّتِ رِه بُيُوشِيدِ كِه تَكْمِيلِ كُنِنْدِه تَمامِ چِيزا اَسْتِه. ^{۱۵} بِيَلِيدِ كِه اَرامِشِ مَسِيحِ دَ دِلِ هَايِ شُمُو حُكْمَرانِي كُنِه، چِراكِه شُمُو بَلَدِه امزِي مَقْصَدِ دَ يِگِ جِسْمِ كُويِ شُدِيدِ؛ وَ شُكْرگُزارِ بَشِيدِ. ^{۱۶} بِيَلِيدِ كِه كِلامِ مَسِيحِ قَدِ اَرزِشِ بِيه اِنْدازِه خُو دَ وَ جُودِ شُمُو جايِ بَگِيرِه؛ يِگَدِيگِه خُو رِه قَدِ حِكْمَتِ كَامِلِ تَعْلِيمِ بَدِيدِ وَ نَصِيحَتِ كُنِيدِ. قَدِ زُبُورِ خانَدُو، حَمْدِ-وَ-تِنا وَ سُرُودِ هَايِ رُوحانِي دَ وَسِيلِه فَيَضِي كِه دَ دِلِ هَايِ شُمُو اَسْتِه، خُدا رِه سِتائِشِ كُنِيدِ. ^{۱۷} وَ هَرِ چِيزِي رِه كِه اِنجَامِ مِيدِيدِ، چِي دَ كُفْتارِ، چِي دَ كِرْدارِ، تَمامِ شِي رِه دَ نَامِ مَولا عِيسِي اِنجَامِ بَدِيدِ وَ دَ وَسِيلِه اَرُو خُدا يَئِنِي اَتِه اَسْمانِي رِه شُكْرِ-وَ-سِپاسِ بُگِيدِ.

^a ۳:۱۱ بَرَبَرِي هَا مَرْدَمايِ بُوَدِ كِه زَبُونِ يُونانِي رِه نَمُوفامِيدِ وَ سَكِيتِي هَا يِگِ طايِفِه بَرَبَرِي بُوَدِ كِه از مِينَكَلِ ازوا غُلامِ گِرَفْتِه مَوشُدِ. ^b ۳:۱۳ دَ جايِ «مَولا» دَ بَعْضِي نَسْخِه هَا «مَسِيحِ» نَوشْتِه يَه.

مُقَرَّرَاتِ بَلَدِهِ رَابِطَهُ خَانَوَارِ مَسِيحِي

۱۸ آی خاتونو، تابع شویون خُو بَشید، امو رقم که دَ نظرِ مولا مُناسِبِ آسته.
 ۱۹ آی شوی ها، خاتونوی خُو ره مُحَبَّتِ کُنید و قد ازوا اوقات تلخی نَکُنید.
 ۲۰ آی بچکِیچا، از آته-و-آیه خُو دَ هر کارِ اِطاعتِ کُنید، چراکه ای کارِ مَوَرِدِ پَسَنِدِ
 مولا آسته. ۲۱ آی آتهگو، بچکِیچای خُو ره سِرِ قارِ نَکُنید، نَشْنه که اونا دِل-میدَه شنه.
 ۲۲ آی غلاما، از بادارایِ جِسمانیِ خُو دَ هر کارِ اِطاعتِ کُنید، نه تنها وختیکه زیرِ
 نظرِ اَسْتِیدِ رقمِ کسای که رضایتِ اِنسانِ ره طلبِ مونه، بلکه از تی دِلِ اِطاعتِ کُنید
 و از مولا بَتَرَسِید. ۲۳ هر کاری ره که انجامِ مِیدِیدِ از دِل-و-جانِ انجامِ بَدِیدِ رقمی که
 بُگی بَلَدِه مولا کارِ مُونِید، نه بَلَدِه اِنسان. ۲۴ چُون شُمُو مِیدِیدِ که از مولا یگِ مِیراثِ
 دَ عِنوانِ اَجْرِ دَ دِستِ مِیرِیدِ، چراکه شُمُو مولا مَسِیحِ ره خِدمتِ مُونِید. ۲۵ هر کس که
 بَدِ کُنه، سَزایِ بَدیِ ره که کده مِینگره و دَ پِیشِ خُدا طرفداریِ و جُودِ نَدِره.

۲ آی بادارا، قد غلامایِ خُو عادِلانه و دَ اِنصافِ رفتارِ کُنید، چُون شُمُو مِیدِیدِ
 که شُمُو ام دَ عالمِ باله یگِ بادارِ دَرِید.

۲ دَ دُعا پایبندِ بَشید و مُتَوَجِهِ بَشید که قد شُکرگُزاریِ قتی بَشه. ۳ و دَ عَینِ وختِ
 بَلَدِه از مو ام دُعا کُنید که خُدا یگِ درگه ره بَلَدِه رَسَنَدونِ کلامِ واز کُنه تا مو بَتنی رازِ
 مَسِیحِ ره اِعلانِ کُنی که ما بخاطرِ شیِ بَدیِ اَسْتُم. ۴ دُعا کُنید که ما امی رازِ ره بَطُورِ
 واضِحِ بَرَمَلا کُنم، امو رقم که بَلَدِه مه فرضِ آسته. ۵ دَ برابرِ کسای که از بُرو آسته
 عاقلانه رفتارِ کده امزُو فرصتِ خُوبِ اِستِفاذهِ کُنید. ۶ گُفتگویِ شُمُو همیشه پُرْفِیضِ و
 سَنجِیده^۳ بَشه تا بَدنِید که دَ هر کس چی رقمِ جوابِ بَدِید.

^۳ ۴:۶ دَ جای «سَنجِیده» دَ زبونِ یونانی «با نَمک» نوشته یه.

سلام های آخری

^۷ تیخیکاس شمو ره از تمام احوال مه باخبر مونه. او برار عزیز، خدمتگار وفادار و همکار مه د خدمت مولا آسته. ^۸ ما او ره بلده امزی مقصد د پیش شمو ری مونت که شمو از احوال مو باخبر شنید و تا او شمو ره دل-جمی بدیه. ^۹ او ره قد اونیسیمس، برار وفادار و دوست-دشتنی مو که یکی از شمو آسته، قتی ری مونت. اونا د باره تمام چیزای که د اینجی رُخ میدیه بلده شمو موهیه.

^{۱۰} آسترخس که قد از مه یگجای بندی آسته و مرقس باچه کاکای برنابا شمو ره سلام موهیه. د باره مرقس بلده شمو هدایت دده بودم که هر وخت او د پیش شمو آمد از شی پذیرایی کنید. ^{۱۱} و یسوع که د نام یوستس یاد موشه، ام شمو ره سلام موهیه. تنها ایتمیا از جم یهودیا^{۱۲} د مینکل همکارای مه آسته که بلده پادشاهی خدا کار مونه و امیا باعث آرامش مه شده. ^{۱۲} ایفراس که یکی از شمو و خدمتگار مسیح عیسی آسته، شمو ره سلام موهیه. او همیشه د دُعاهای خُو بلده شمو جدی دُعا مونه تا د ایمان بالغ شنید و د پی بردون تمام خاست-و-اراده خدا کاملاً متیقین شنید. ^{۱۳} ما د باره ازو شاهدی میدیم که او بخاطر از شمو و ایماندارای لائودیکیه و هیراپولیس غدر زحمت میکشه. ^{۱۴} لوقا طیب دوست-دشتنی و دیماس شمو ره سلام موهیه.

^{۱۵} بلده برارونی که د لائودیکیه آسته و بلده خوار مو نیمفا و جماعت ایماندارا که د خانه شی آسته، سلام های مره برسینید. ^{۱۶} وختیکه ای خط بلده شمو خنده شد، توخ کنید که بلده جماعت ایماندارای لائودیکیه ام خنده شنه و شمو ام خطی ره که بلده لائودیکیه نوشته شده بخانید. ^{۱۷} د آرخیپس بگید: "توخ کو، خدمتی که د راه مولا دز تو دده شده، او ره تکمیل کنی."

^{۱۱}: ۴ د جای «یهودیا» د زبون یونانی «ختنه شده ها» نوشته یه. ^{۱۸}: ۴ بعضی نسخه ها متن

داخل قوس ره ندره.

۱۸ ما پوئس، امی دُعا-و-سلام ره قد دِسْتِ خود خُو نِوِشته کدیم. دَیاد دَشته بَشید
که ما بَندی اَسْتُم. فِیض نَصِیب شُمُو شُنَه. [آمین.]^a